

LUTRIJA BOSNE I HERCEGOVINE d.o.o.

UPRAVNI ODBOR

Na osnovu člana 16. Zakona o igrama na sreću („Službene novine FBiH“, br.1/02. i 40/10.) i člana 13. Statuta Lutrije Bosne i Hercegovine d.o.o. Sarajevo (“Službene novine FBiH”, br.43/03.), Upravni odbor Lutrije Bosne i Hercegovine, dana 11.06.2013. godine, donio je

P R A V I L A

novčane srećke “VOĆKO”

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke “Voćko” (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “Voćko”.

Ugovor iz stava 1. ovog člana zaključuje se između Lutrije Bosne i Hercegovine d.o.o. (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka „Voćko“ je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

Član 4.

Rok prodaje srećke otisnut je na srećki.

Rok prodaje srećke može se produžiti odlukom generalnog direktora Priređivača.

Odluku o puštanju u prodaju svake od serija donosi generalni direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je s Priređivačem zaključila ugovor iz člana 2. ovih Pravila, uz dokaz da posjeduje srećku (u svemu u skladu sa članom 10. ovih Pravila).
Srećka glasi na donosioca.

4. PODRUČJE PRIREĐIVANJA U IGRE

Član 6.

Srećka se priređuje na području Federacije Bosne i Hercegovine.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 500.000 (petsto hiljada) komada srećaka. Novčana vrijednost emisije srećaka iznosi 500.000,00 KM (petsto hiljada konvertibilnih maraka). Odluku o broju serija donosi generalni direktor Priređivača.

7. VISINA FONDA I VRSTE DOBITAKA

Član 9.

Fond dobitaka iznosi 65% od emisione vrijednosti, ili 325.000,00 KM, a iznos se dijeli na 182.234 dobitaka.

Fond dobitaka serije se raspoređuje po slijedećem planu:

Komada	Dobitci	Iznos
4 x	5.000,00 KM	20.000,00 KM
10 x	2.000,00 KM	20.000,00 KM
20 x	1.000,00 KM	20.000,00 KM
200 x	100,00 KM	20.000,00 KM
2.000 x	10,00 KM	20.000,00 KM
5.000 x	5,00 KM	25.000,00 KM
25.000 x	2,00 KM	50.000,00 KM
150.000 x	1,00 KM	150.000,00 KM
182.234		325.000,00 KM

Vrste dobitaka:

Komada	Simbol voća	Iznos
3 x	Trešnja	5.000,00 KM
3 x	Grožđe	2.000,00 KM
3 x	Jabuka	1.000,00 KM
3 x	Kruška	100,00 KM
3 x	Šljiva	10,00 KM
3 x	Banana	5,00 KM
3 x	Lubenica	2,00 KM
3 x	Limun	1,00 KM

8. OPIS SREĆKE

Član 10.

Srećka je pravougaonog oblika, a štampana je u samo jednoj varijaciji.

Prednja strana srećke sadrži:

- Naziv srećke „Voćko“;
- Logo Lutrije Bosne i Hercegovine;
- Logo „Pola sreće drugima“;
- Cijena srećke;
- Šest (6) polja prekrivenih sivom scratch-off emulzijom označenom sa natpisom „ogrebi“ ispod kojih su u crno bijelom kontrastu otisnuti slijedeći simboli voća: trešnja, grožđe, jabuka, kruška, šljiva, banana, lubenica ili limun;
- 8 simbola voća u koloru sa naznačenim eventualnim dobitcima i oznakom 3x, ovi simboli su otisnuti u odvojenim sličicama i to na slijedeći način: (3x slika trešnje 5.000 KM), (3x slika grožđa 2.000 KM), (3x slika jabuke 1.000 KM), (3x slika kruška 100 KM), (3x slika šljiva 10 KM), (3x slika banana 5 KM), (3x slika lubenica 2 KM), (3x slika limun 1 KM);

- Polje sa uplatnom šifrom u brojčanoj i bar kod formi;
- Polje prekriveno emulzijom sa natpisom „ne skidaj“.

Poledina srećke sadrži:

- Logo Lutrije Bosne i Hercegovine;
- Logo „Srećke na dohvat ruke“;
- Logo WLA – Certified Security Control Standard;
- Logo ISO 27001 – TUV NORD
- NOVČANI DOBITAK: Ukoliko se otkriju tri ista simbola ostvaruje se novčani dobitak u vrijednosti predviđenoj rasporedom na prednjoj strani srećke.
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“.
- EMISIJA 500.000 SREĆAKA, EMISIONA VRIJEDNOST 500.000,00 KM.
- FOND DOBITAKA iznosi 65% od emisione vrijednosti ili 325.000 KM.
- PLAN DOBITAKA
- PRIREĐIVAČ: Lutrija BiH d.o.o, Ul. Mehmeda Spahe 11., 71000 Sarajevo.
- Datum prodaje do otisnut na srećki.
- Podaci o dobitniku: Ime i prezime, adresa, JMB.

9. UTVRĐIVANJE DOBITAKA

Član 11.

Igrač utvrđuje dobitak skidanjem emulzije sa oznakom „ogrebi“ sa svih šest polja predviđenih za grebanje na prednjoj strani srećke. Ukoliko se nakon skidanja emulzije sa svih šest polja predviđenih za grebanje otkriju tri ista simbola ostvaruje se novčani dobitak određen u rasporedu vrsta dobitaka koji je naznačen na prednjoj strani srećke.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-1201/13.
Dana: 11.06.2013. godine

P R E D S J E D N I C A
Ivana Bunoza, s.r.

